

For more information, please call/text us at: **0920-911-1398** or visit:
www.philrice.gov.ph | www.pinoyrkb.com | www.openacademy.ph

Dangaw ti pagay

[Panangmanehar iti Peste]

Scientific name: *Leptocorisa oratorius*

English name: Rice bug

Pagilasinan:


Berde ti kolor dagiti an-annak idinto ta bumerde a kolor-kape dagiti nataengan. Saan nga agkaan iti kapagayan ti dangaw no napudot ti panawen. Tuladenda ti kolor ken porma dagiti bulong tapno mailemmengda ti bagida.

Pakasarakan:

Makita ti dangaw iti amin a klase ti kapagayan ngem ad-adda nga agrairada kadagiti talon nga agdependendar iti tudo ken bangkag. Kapigsada ti agdadael manipud panagsabong ti pagay agingga agmaragatas dagiti binukel ti dawa.

Dadael:

Mangrugi nga agatakar dagiti dangaw no ubing pay ti raep ken rugi ti tudtudo. No saan pay a nakadawa ti pagay, kanenda dagiti nalukneng nga ubbot ken bulong. Narangranggas nga agdadael dagiti an-annak ngem dagiti nataengan. No nakadawan ti pagay, sepsependa dagiti maragatas a binukel. Sitatakder latta dagiti dawa a nagsepsepan ti dangaw. Agbaliw ti kolor ken kumbet ti binukel dagiti naapektaran a dawa; saan a nasayaat ti angotda uray no maluto daytoy ken uray ti baka dina kayat a kanen ti garami ti pagay nga inatakar iti dangaw.



Biag iti dangaw ti pagay



Nataengan a dangaw

Panangmanehar

Kultural

- Ikkaten wenno puoran dagiti ruot iti kapagayan, tambak ken lawlaw ti talon tapno awan ti pagitlogan dagiti dangaw.
- Liklikan ti in-inut a panagmula tapno awan ti agtul-tuloy a panganan ti dangaw.
- Agpuor iti garami nga ipaturong ti asok iti talon. Agipadalan ti basket wenno bag a napinasan ti napigket a banag iti unegna a pangtiliw kadagiti dangaw.
- Agtiliw babaen ti kapot ken agpidut kadagiti dangaw.
- Agipakat iti natay a bisukol wenno bao wenno aniaman a nabangsit a banag tapno nalaklakada a makolekta ken mapaksiat. Puoran wenno ispreyan iti kemikal dagiti nakolekta a dangaw.
- Naandur dagiti addaan ibo a pagay iti dangaw.
- Mas masaluadan dagiti dawa manipud panagkaan ti dangaw no dagiti bulong ti barayti nga imula ket mailemmengna ti dawa.

Biolohikal

- Dadaelen ti babassit nga alumpipinig ken saraan a dudon dagiti itlog ti dangaw.
- Patayen ti buot dagiti an-annak ken nataengen a dangaw.
- Kanen ti lawwa-lawwa, kuriat, pagung-pagong ken saraan a dudon dagiti an-annak ken nataengen a dangaw.

Source:

PhilRice. 2003 (Rev. ed.). Field guide on harmful organisms in Philippine ricefields. Maligaya, Science City of Muñoz, Nueva Ecija.

RSSP Pest Management Team-Insect. 2010. Biology and Management of Rice Insect Pests. RSSP Island-wide Rice Technology Updates Seminar.

Reviewed by:

Genaro S. Rillon

Language Editors:

Bethzaida M. Catudan

Leah May dC Tapeç

Nonilon I. Martin